

www.BibleForChildren.org

Mathêu 8



Piq hì atìq, i wì ban ǒng mai ǒi ta phôq Cana, ǒi ta gùng Ga-li-lê. I miq Chuaq Jêxu ǒi ta aih. Wì pachùh Chuaq Jêxu wa mangai hǒc tiaq Haq trùh caq hiniang ban ǒng mai.



Jò alac nho khoi dìq, miq Chuaq Jêxu doi ca Haq: "Wì pi i ca alac nho." Miq Haq doi ca wì hapǒng ma patìh caq ôq hì aih: "Haq thê pì broq cleq, pì phai iu bàu Haq."



Chuaq Jêxu doi ca wì: "Ùc bình diac rìm
padrì beq." Wì ùc trùh angah haq. Chuaq
Jêxu doi: "Manàiq cô gôch beq, 'ràng ca
mangai ma wèq 'bài mangai patìh." Wì
gôch 'ràng ca haq.




Jò mangai ma wèq mangai patìh ôq thù toq 'biaq diac
ma khoi wìh wìa alac plì nho, (haq ùh 'nì alac cô khoi i
enh leq, mahaq 'bài mangai
patìh ma gôch diac aih
loq), haq ma wèq mangai
patìh creó ca mangai
con ống, doi: . . .



. . . Jò mangai ma wèq mangai patìh ôq thù toq 'biaq
diac ma khoi wìh wìa alac plì nho, (haq ùh 'nì alac cô
khoi i enh leq, mahaq 'bài
mangai patìh ma gôch
diac aih loq), haq ma
wèq mangai patìh creó
ca mangai con ống,





Ta Cana gùng Ga-li-lê Chuaq Jêxu broq teo halac
baxèm, aih patô bìac 'ngah
'ngai lem linh Haq.
Wì mangai hǒc tiaq lùì Haq.




Jò Chuaq Jêxu mùt ta hnem Pêtrô,
hnoq miq mai Pêtrô ùh hröc
tacat cùi ta jùang.



Chuaq Jêxu hnhu tì bèq mangai ùh hrǒc, tajòì 'mòì can
tacat hnhung hloi, khoi èh haq yòng patìh
ca Chuaq Jêxu.



Trùh jò mat mahì ten mùt, wì 'ràng 'bài mangai ùh hróc
wa 'bài mangai i kiac õi ta chac, trùh ti Haq. Dìq ca
mangai ta phôq lam
gòm jang 'mang hnem.



Haq broq brêh ca mangai ùh hröc, wa drùh đac can
kiac. Haq ùh am can kiac capoch cleq, ma jah 'màng aih
kiac khoi loq Haq Cabô.



Dìq ca wì chaq trong bèq Haq, ma jah 'màng aih jò wì bèq Haq, i cwìang itai loh, broq brêh dìq ca wì.



I pôn ngai tòng mòiq ngai mangai pen 'ràng ca Haq.



Taiq 'bài mangai bàc hrìn wì ùh jah
thia haten ca Haq. Wì pùng cù
hnem ta jang ca nòi Haq,
khai èh 'nhùa 'noh mangai
pen ỏi ta dradrah.




Chuaq Jêxu hnoq manoh wì lùì Haq, Haq doi ca mangai
pen: "Ô con Au, tôiq lôì con
khai jah baxǒng."


"Au thê ìh yòng xùì
dèh dradrah hlài
ta hnem beq."



Atiq ca aih, Chuaq Jêxu tǒc ta bong. 'Bàì mangai hǒc
tiaq, tiaq Haq. Ta'ngàc i bahùt càn
hlôì dêh, diac lai laq glàm bong,
mahaq Chuaq Jêxu ǒi cùi.



Haq doi: "Ô 'bài mangai 'biaq manoh lùì, gleq pì ma crè?" Haq yòng, lech ca cayeo wa diac raxìq. Tajòì 'mòì diac raxìq haten, pi lai laq. 'Bài mangai aih hamàih, wì doi: "Mangai cô Cabô? Gleq cayeo wa diac raxìq dìq iu bàu Haq?"



"Taiq Boc Plình loq waq ca mangai òi
crõng taneh trùh 'mòi Haq khoi am ca
wì Con Mòi q da Haq, waq ca mangai
leq lùì canòm ca Con aih, ùh hnhung,
mahaq jah i can rìh hloi hloi."



Rôma 3:23 taiq rìm ngai khoi broq tôiq, ma jah khoi xùch
jrùh đac ca can 'ngah 'ngai lem da Boc Plình,

Rôma 6:23 Ma jah 'màng aih cùng baha da tôiq lôl aih can
cachit, mahaq bìac am dech da Boc Plình aih can rìh hloi
hloi ta Chuaq Jêxu Crich, Chuaq bèn.

Hêbru 9:27 Tiaq troi khoi pajaq ca con mangai ep cachit
mòiq yàng, atiq ca aih ep chiuq bìac hadrah,

Ê-phê-sô 2:8,9 Taiq nhò bìac am dech, pì ma jah dèch
claih nhò manoh lùl. Bìac aih ùh xài trùh enh pì, mahaq
bìac da Boc Plình hnhu am. Aih ùh xài bìac cla pì broq jah,
waq ca ùh cabô jah catèh dađeh,



Rôma 10:9,10 Tàng hacùng ìh doi Chuaq Jêxu, aih Chuaq wa manoh ìh lùì Boc Plình khoi broq Haq rìh hlài enh mangai cachit, èh ìh jah dèch claih. Ma jah 'màng aih mangai leq lùì ta manoh èh jah ta-atoq wa anoi hloh xam hacùng doi dađeh lùì, aih jah bìac dèch claih.

Jon 3:16,17 "Taiq Boc Plình loq waq ca mangai òi crống taneh trùh 'mòi Haq khoi am ca wì Con Mòi q da Haq, waq ca mangai leq lùì canòm ca Con aih, ùh hnhung, mahaq jah i can rìh hloi hloi. Ma jah 'màng aih, Boc Plình thê Con Mòi q da Haq trùh ta crống taneh, ùh xài thê Haq hadrah ta'mòq tôiq, mahaq waq ca wì canòm Haq đòiq jah dèch.



1 Jon 5:11-13 Bàu anoi hlài aih 'màng cô: Boc Plình khoi am ca bèn can rìh hloi hloi wa can rìh aih ỏi ta Con Haq. Mangai leq i Con èh i can rìh. Mangai leq ùh i ca Con Boc Plình èh ùh i can rìh. Au achìh bìac cô ca pì, mangai lùì hiniq Con Boc Plình, waq ca pì loq joq 'nàng dađeh i can rìh hloi hloi.



Mathêu 8-9; Mõc 1-2, 4; Luca 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Hre Bible (hre) © 2019 WEC International

<https://www.bible.com/bible/2512/GEN.1.HREB>

©2026 Bible for Children, Inc.

www.M1914.org

www.bibleforchildren.org

